

Xa
4337

**JUSTA
ANNIVERSARIA
BEATIS MANIBUS
REVERENDISSIMI AC SERENISSIMI
PRINCIPISET DOMINI,
DOMINI
AUGUSTI,**

PRIMATIS GERMANIÆ, ARCHI-EPISCOPATUS MAGDE-
BURGENSIS POSTULATI ADMINISTRATORIS, DUCIS SAXONIÆ, JULIA-
CI, CLIVIÆ, AC MONTIUM, LANDGRAFII THURINGIÆ, MARCHIONIS
MISNIÆ AC UTRIUSQUE LUSATIÆ, COMITIS PRINCIPALI DIGNI-
TATE HENNEBERGICI, COMITIS DE MARCA, RAVENSBUR-
GO ET BARBY, DYNASTÆ RAVEN-
STEINII &c.&c.

**PRINCIPIS AC FUNDATORIS
ILLUSTRIS AUGUSTEI
QVONDAM CLEMENTISSIMI,**

EX MAJORUM INSTITUTO,

PRID. NON. JUNII A. O. R. MDCCC XXI.

PERSOLUTURUS,

AD

**SOLENNEM ORATIONEM
DECENTER INVITAT**

JOH. DAVID SCHIEFERDECKERUS,

SS. THEOL. D. & PROF. PUBL.





כ"ט



Uanquam certitudinem resurrectionis mortuorum nemo eorum, qui Christi nomen ac doctrinam profitentur, nisi horrendo illi ac pestilentissimo dogmatis generi, quod Atheismus vocamus, calculum adjicere velit, in dubium vocare soleat: nondum tamen inter eruditos constat, *num resurrectio ista sit nota & demonstrabilis naturâ h. e. an lumine naturæ investigari ac Philosophicis rationibus adstrui possit, nec ne?* SCHOLASTICI equidem, METAPHYSICI & multi alii, ζήτημα hoc in utramque partem speciosis, idque pro viribus, Argumentis ventilarunt: ast vero, in negativam cum præstantissimis Theologorum ut abeamus sententiam, vel unica hæc nobis svadet ratio, quod resurrectio sit *Mysterium naturam superans, adeoque ex illa neque cognoscibile, neque demonstrabile, sed ex sola luce verbi divini nobis revelatum.* Hinc magnum illud Ecclesiæ fides, AUGUSTINUS, *fidem de resurrectione, Christianorum propriam dixit.* Imo ipsimet JUDÆI cum MAIMONIDE hunc Articulum referunt inter נסבוע ות אצל הטבע *naturæ impossibilia, at לא נמנאות כרק הכוורא nequaquam impossibilia respectu creatoris; & ABARBANEL cum adscribit לסתרי תורה arcanis Legis seu Scripturæ. Conf. JOS. ALBO, L. I. c. 22. LIGHT-FOOT, Hor. Hebr. Talm. in Matth. XXII. 23. 32. & Job. IV. 15. it. in I. Cor. XIV. 21.* Mirum proinde non est, Ethnicos, qui corruptæ naturæ ductum sequuntur, de hoc Articulo frivole ac impie locutos esse. Morti obnoxios omnes homines, agnoverunt quidem & illi, cum tamen ad resurrectionem ventum est, ἐκλέυαζον, *Actor. XVII, 22. quid? quod ipsismet Christi discipulis sermo mulierum, de resurrectione ejus testificantium, λήγος vifus est, Luc. XXIV. II. ut Thomam Job. XX, 25. dubitantem, taceamus. PLINIUS certè Nat. Hist. L. II. c. 7. & L. VII. c. 55. puerile deliramentum vocat; & CÆCILIVS apud MINUTIVM in Octavio hunc in modum ἐπαράδει: Christiani aniles fabulas adstruunt,*

re-

renasci se ferunt post mortem, & cineres & favillas, & nescio qua fiducia mendacis suis credunt. Conf. h. l. MEISNER. Philos. sovr. P. I. Sect. 4. c. 9. Qv. 5. ubi probat, contra omnia Naturæ statuta esse, corruptum & in alterius substantiam conversum esse, & tamen idem numero reverti. Ex hoc ejusdemque farinæ aliis fatis liquet, dogma de resurrectione naturam superare; interim tamen nec planè contra naturam esse, nec contra rectam rationem, sole meridiano clarius est. Multa enim ex lumine naturæ erui queunt, quæ ad possibilitatem demonstrandam faciunt. Quo & argumenta Philosophorum, & similia ex natura petita ab omnibus, quæ resurrectionem mortuorum admittunt, nationibus, Judæis, Christianis, Mohammedanis &c. pertinent. Nimis prolixum foret, JUDÆORUM rationes naturales ac adumbrationes de hoc mysterio, quæ in *Cod. Sanbedrin, c. II. S. 4.* alibique passim, habentur, proferre in medium: attamen fabellam eo fine ab ipsis confictam, ut testatum redderent, divinam justitiam resurrectionem mortuorum omninò requirere, breviter hic adjiciemus. Opu- lentum quendam, perhibent, Paradisum sibi plantasse nobilissimis arborum generibus, quæ fructus præstantissimos ferebant. Ne autem diriperetur, apposuisse custodes, alterum videntem quidem, sed claudum, alterum verò coecum, sed tamen pedibus valentem, quoniam ab ipsis custodibus erat cavendum. Cum abiisset horti dominus, coeperunt custodes inter se consultare, de fructibus comedendis. Coecus ajebat, ego quidem cupio, sed non video. Claudus ajebat, ego vero illos cerno, sed accedere nequeo. Post multa convenerunt, ut coecus ad terram se prosterneret, & super dorsum acciperet claudum qui cum videret, manu regebat coecum. Atque ita conjunctis viribus fructuum optimos abstulerunt. Horti dominus rediens damnumque advertens custodes increpavit. Uterque satis probabiliter se excusabat. Herus autem, cognitâ eorum vasititiæ ac astutiâ, conjunxistis, ait, forè operas, propterea, vos rursus conjunctim plectam. Alligavit itaque unâ eos & percutiendo utrumque simul punivit. Ita, pergunt Rabbini, in homine res habet. Anima quidem cognoscit & sapit, verum externa per se non potest obire opera: corpus verò per se stupidum est, nec sapit, quod tamen, ab anima cum compellitur & movetur, idoneum instrumentum est actionum externarum. Quod cum ita sit, ratio postulat & justitia, ut post mortem jungantur denuò ad perfe- rendas pœnas & præmia. Sed linquimus has & alias Judæorum ineptias, & ad CHRISTIANORUM Doctores accedimus. Inter eos tam veteres, quam recentiores non pauci Mysterium hoc Topicè & probabiliter ex naturæ lumine, præeunte Apostolo,

I. Cor.

i. Cor. XV. illustrarunt. Ex illis *TERTULLIANUS*, de *Resurr. carnis*, inter alia probat, Dei potentiam non excedere carnis resurrectionem; *divina etiam potentia esse diei ac noctis, hiemis & aestatis, veris & autumnii vicissitudines: Phœnicem etiam, Orientis alitem, qui semet ipsum funerans renovat.* Quod ipsum Phœnicis exemplum alii quoque huc detorquent, quanquam, qui de avibus exactè scripserunt, jam pridem, fabulam esse, observarint. In eodem Argumento operosus fuit deducendo *CLEMENS ALEXANDRINUS*, quem & alii Patrum sequuntur. Nec minus recentiores putant, *rationem posse investigare hominis creationem, ergo & resurrectionem*: sed hoc est incertum per æque incertum probare, cum id ipsum, hominem nempe virtute omnipotentis Dei esse productum, purus sit fidei Articulus. Obvertunt, *providentiam divinam requirere, ut bonis tandem bene, malis male sit*: sed respondebit Philosophus purus, piis & impiis in hac vita retributionem contingere sufficientem, illis quidem testimonio conscientia in adversis fruentibus, his furis internis miserè agitatibus. Argumentantur porò, *tres naturas esse, corporalem tantum, spirituales tantum, & ex utrisque compositam. Sed cum corporalis aequè ac spiritualis æternum sit mansura, ergo & composita.* Ast verò, undè corporaliū naturarum perennitatem Philosophus probabit? & posito, naturam essentiā spirituali & corporali constantem perennem fore, ad unitatem tamen non individualet, sed speciei concludi potest. Verum, linquimus alia, & coronidis loco saltem *αὐτῶν ἐν σοφίᾳ* *MOHAMMEDIS* argumenta, quibus in Corano suo Coriſſchitas, resurrectionem negantes, oppugnat, notamus. Petita est tum à *Creatione*, Sur. XXII. 5. XXIII. 16. XXVIII. &c. tum à *Providentia divina*, Sur. XXIX. XXXV. &c. & proinde à *Majori*: *Deus creavit hominem ex nihilo, E. facilius ex præexistente materia*, Sur. XVII. &c. Sufficit, eandem è Verbo firmo prophetico V. & N. T. quam luculentissimè nobis innotuisse, prout in concionibus itemque Scholis Theologorum fusius docemur. An verò de defunctis formula illa *ἰουκὴ* usurpanda sit: *Deus det ei pacatam quietem & beatam ad vitam æternam resurrectionem*, crastina, Deo dante, luce, H. L. Q. C. Reverendissimo & Serenissimo Principi ac Domino, Dn. AUGUSTO, Primati Germaniæ, Posulato Administratori Archiepiscopatus Magdeburgensis, Duci Saxonie, Jul. Clivie ac Montium, &c. &c. Illustris Augusti nostri Fundatori quondam, ut munificentissimo, ita clementissimo, iusta anniversaria publico nomine perfoluturus, non nihil dispiciam, simulque de memoria beate defunctorum, nec *ἰδωλοματρία*, nec *ἰερωπλατρία* superstitiosa, sed Christianā pietate recolenda, pauca disseram. Quem Actum Oratorium ut Illustris hujus Athenæi Tutani, Fautores, Civesque, gratiosa honorifica atq; frequenti præsentia suā condecorare dignentur ac velint, officiosè & peramanter rogamus. P. P. III. Non. Jun. A. O. R. CIO DCCC XXI.

LEUCOPETRAE, Literis G. A. Legii, Aul. & August. Typogr.

JUSTA ANNIVERSARIA

...ATIS MANIBUS
...DISSIMI AC SERENISSIMI
...NCIPISET DOMINI,

DOMINI GUSTI,

...NIÆ, ARCHI-EPISCOPATUS MAGDE-
...ADMINISTRATORIS, DUCIS SAXONIÆ, JULIA-
...UM, LANDGRAFII THURINGIÆ, MARCHIONIS
...VE LUSATIÆ, COMITIS PRINCIPALI DIGNI-
...CI, COMITIS DE MARCA, RAVENSBUR-
...BARBY, DYNASTÆ RAVEN-
...STEINII &c.&c.

...IS AC FUNDATORIS
...RIS AUGUSTEI
...AM CLEMENTISSIMI,
...JORUM INSTITUTO,

...N. JUNII A. O. R. CIO DCCC XXI.
...PERSOLUTURUS,

AD
...IEM ORATIONEM
...CENTER INVITAT
...SCHIEFER DECKERUS,
...EOL, D. & PROF. PUBL.

